

كارت أحمر

سماح مشعل
مصر / شاعرة

أنا عندي من الأسباب ما يكفي كتاب عشان أشرح بحبك لية
لو إن الحب مش محتاج ولا تفسير ولا تبرير دي حاجه سرها مقادير... ح
تفضل سر مالهوش شرح
وهو يعني كان صياد بيعرف نوع سمك في الطرح؟
ولو كان ع الكلام حاضر أنا أشرح لك
ف خد عندك .. أنا قلبي بيرتاح لك
وإحساسي زرعته ورود ولما قابلته فتح لك
وكام واحد طلب ودي ماحستهوش وكان بيبوش
وكنت تملي متربع علي قلبي .. وكله عدي من تحتك
ف من صغري بحسك في الغرام رشدي

وليك هبة علي كاريما وعامل للبنات أزمة
ف تاه قلبي وضاع رشدي وحبك قلبي صرح لك وصارحتة ما غشتهوش
وحتي أما الزمان شق السنين نصين
وكان بختي في حنة بعيدة عن نُصك
عمل قلبي هوا جناحين وكان سامعك وكان شايفك وكان حاسك
وعارف إن بعد البين ح تيجي والحنين قصك
ف حوش لك ورصص لك وزوق لك وخصص لك
من الأيام ربيع دايم يكون فصلك
وحتي لو شتا جالنا حيبي يرق علي حالنا ويشتي هيام....
وآه يا سلام على الدنيا أما بتزهرة ويرجع وشها الصافي وترضي بعد ما
تجافي

وتدني شتا مخصص مقاسة تمام علي لحافي

ف بتدفي بنور عينك وأحطك شال علي كتافي

ولما بيحي برق ورعد تقولي حبييتي لا تخافي

ف كارت أصفر عشان همي

وكارت أحمر عشان حزنك

تعالني ضمني واضمني....

مفيش أحزان وأنا في حضنك

كارت احمر